

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

UGOVOR

O NABAVKCI USLUGE DETALJNOG ENERGIJSKOG PREGLEDA PROSTORA

između

JU "APOTEKE SARAJEVO", Sarajevo, Aleja Bosne Srebrene bb/IX, koju zastupa generalni direktor Prim. mr. ph. Sait Muradić, (u daljem tekstu: **Naručilac**) i

CENTAR ZA EKONOMSKI, TEHNOLOŠKI I OKOLINSKI RAZVOJ d.o.o. Sarajevo, Topal Osman Paše 32B, ID: 4200110840008, PDV: 200110840008, koje zastupa direktor Dragan Ajanović, dipl. ing. (u daljem tekstu: **Izvršilac**).

I PREDMET UGOVORA

Član 1.

Predmet ovog ugovora je nabavka usluge detaljnog energijskog pregleda prostora u vlasništvu JU „Apoteke Sarajevo“, ukupne površine 1008,65 m², na adresi Bistrik Medresa 2, Sarajevo, u skladu sa ponudom Izvršioca broj: 01/P-2204/18 od 16.04.2018. godine, koja je sastavni dio ovog Ugovora.

II VRIJEDNOST UGOVORA I CIJENE USLUGA

Član 2.

Cijena usluge koja je predmet ugovora iz člana 1. iznosi 2.600,00 KM bez PDV-a, odnosno 3.042,00KM sa PDV-om.

III PRAVA I OBAVEZE UGOVORNIH STRANA

Član 3.

Izvršilac se obavezuje da će:

- uslugu koja je predmet ugovora pružati u skladu sa važećim zakonskim i podzakonskim propisima koji regulišu predmetnu oblast;
- uslugu izvršiti u ugovorenim rokovima i kvalitetno;
- dokumentaciju koja mu bude ustupljena od strane **Naručioca**, a koja mu je potrebna za izvršenje ugovorenog posla, uredno vratiti **Naručiocu**, po završetku posla;
- sve informacije do kojih dođe u toku izvršenja ugovorenog posla tretirati kao poslovnu tajnu, te da iste neće iznositi u javnosti, niti na bilo koji način učiniti dostupnim trećim licima, bez izričite pismene saglasnosti **Naručioca**

Član 4.

Naručilac se obavezuje da će:

- **Izvršiocu** dostaviti sve potrebne podloge i informacije o objektima, projektnu dokumentaciju, te ostale podatke specifične za predmetni objekat, neophodne za izvršenje usluga koje su predmet ugovora.
- plaćanje za predmet ugovora izvršiti na način da 50% cijene usluge plati avansno po potpisivanju ugovora, a 50% cijene po izradi, a neposredno prije dostave finalnog izvještaja

o detaljnom energetsom pregledu.

Plaćanje se vrši na transakcijskih račun Izvršioca naznačen na fakturi.

IV KVALITET USLUGE

Član 5.

Izvršilac se obavezuje i daje garanciju da će u cilju što kvalitetnijeg izvršenja usluge koja je predmet ugovora, koristiti sva raspoloživa znanja i tehnike, te uvoditi korektivne mjere, ako on sam ili po zahtjevu Naručioca ocjeni da je to potrebno.

V SAOPŠTENJE I REKLAMACIJE

Član 6.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 7.

Pravo prigovora, odnosno reklamacije, naročito se odnosi na slučajeve:

- izvršenje usluge neodgovarajućeg kvaliteta,
- neblagovremenog izvršenja usluge,
- izvršenje ugovorene usluge u neodgovarajućem obimu,
- neblagovremenog izmirenja obaveza
- u drugim opravdanim slučajevima.

VI TRAJANJE UGOVORA

Član 8.

Ovaj ugovor se zaključuje na period od 30 (trideset) dana od dana potpisivanja ugovora, uplate sredstava, odnosno stavljanja na raspolaganje potrebne dokumentacije.

VII PRELAZNE I ZAVRŠNE ODREDBE

Član 9.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 10.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 11.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

Član 12.

Ovaj ugovor je sačinjen u četiri (4) istovjetna primjerka od kojih dva primjerka zadržava svaka ugovorna strana.

J.U. „APOTEKE SARAJEVO“

Sait Muradović

Prim. mr. ph. Sait Muradović
Generalni direktor



Broj:01-03-738/18

Datum: 19.04.2018. g.

CETEOR d.o.o.

Dragan Ajanović

Dragan Ajanović, dipl. ing.

Direktor

CETEOR
CENTAR ZA TEHNOLOŠKI I
OKOLINSKI RAZVOJ, d.o.o.
SARAJEVO

Broj: 152/18

Datum: 19.04. 2018.

